

Mientras cu lo bringa nan caso den Corte

No por cuminsa cu e proyecto di Green Corridor

Di acuerdo cu informacion recibi, e compania Colombiano, Vercas a dicidi atrobe di apela e veredicto den e caso relaciona cu ehecurion di Green Corridor. Awor parce cu Vercas tin otro indicacion di manipulacion cu e cifranan di e destaho publico, mas ainda awor cu Huez a dicta cu e oferta haci pa Vercas a keda declara nulo.

Di acuerdo cu Gobierno, Vercas lo a surpasa e suma

cu 2 miyon di loke cu tabata ser calcula, mas pago di interes cu e financiamiento.

Vercas a perde un caso hudicial anterior caba, pero den Corte di Apelacion a bolbe duna e compania Colombiano aki otro oportunidad di por participa n'e destaho publico, pasobra Huez a keda convenci cu nan a entrega nan oferta un tiki laat, pero awor a resulta di a perde tog e caso hudicial aki.

Tabata na april ultimo, cu a bira conoci cu e compania di Grupo Odinsa a gana e destaho publico, pero mirando e casonan hudicial cu tin lo causa cu lo bin un retraso den ehecurion di e proyecto aki.

E Green Corridor mester keda cla den 2 pa 2 aña y mei, pero manera menciona, awor e lo keda cla mas laat di loke ta planea.

